

CYNGOR SIR YNYS MÔN	
Adroddiad i:	Pwyllgor Gwaith
Dyddiad:	27/11/19
Pwnc:	Ffederaleiddio Ysgol Goronwy Owen ac Ysgol Moelfre
Aelod(au) Portffolio:	Cynghorydd R. Meirion Jones
Pennaeth Gwasanaeth:	Mr Rhys H Hughes
Awdur yr Adroddiad: Rhif Ffôn: E-bost:	Meinir Hughes 01248752947 MeinirHughes@ynysmon.gov.uk
Aelodau Lleol:	Cynghorydd Margaret M Roberts Cynghorydd Ieuan Williams Cynghorydd Vaughan Hughes

A – Argymhelliad/Argymhellion a Rheswm/Rhesymau
1. <u>Cefndir</u> Pwrpas yr adroddiad hwn yw adrodd yn dilyn cyfnod rhybudd statudol ar y cynnig i ffederaleiddio Ysgol Goronwy Owen ac Ysgol Moelfre. Ar 16 Medi 2019 adroddwyd i Bwyllgor Gwaith y Cyngor ar yr ymatebion a dderbyniwyd gan ran-ddeiliaid yn ystod yr ymgynghoriad statudol. Derbyniwyd nifer o ymatebion cefnogol a chadarnhaol i'r cynnig. Ni dderbyniwyd unrhyw wrthwynebiadau i'r cynnig. Yn eu cyfarfod ar 16 Medi 2019, penderfynodd Pwyllgor Gwaith y Cyngor fel a ganlyn: - Cymeradwyo'r cynnig i ffederaleiddio Ysgol Goronwy Owen ac Ysgol Moelfre o'r 6ed o Ionawr 2020. - Cymeradwyo cyhoeddi rhybudd statudol ar y cynnig yn (i) uchod yn unol â gofynion Adran 48 o Ddeddf Safonau a Threfniadaeth Ysgolion (Cymru) 2013 Yn unol â Deddf Safonau a Threfniadaeth Ysgolion 2013, a Chôd Trefniadaeth 011/2018 ynghyd â phenderfyniad y Pwyllgor Gwaith yn eu cyfarfod ar 16 Medi, 2019 cyhoeddwyd rhybudd statudol ar 30 Medi, 2019 Yn dilyn hyn fe gynhaliwyd cyfnod gwrthwynebu statudol o 28 diwrnod ar y cynnig hwn. O dan adran 49 o'r Ddeddf Safonau a Threfniadaeth Ysgolion (Cymru) 2013, mae'n rhaid i gynigwyr gyhoeddi crynodeb o'r gwrthwynebiadau ac ymateb i'r gwrthwynebiadau hynny yn yr adroddiad hwn sef 'Adroddiad Gwrthwynebu'

Gosodwyd copi o'r rhybudd ym mhrif fynedfa'r ddwy ysgol. Dosbarthwyd copïau electroneg a chaled o'r rhybuddion yn unol â gofynion y Côt Trefniadaeth Ysgolion. Nodwyd yn glir yn y rhybuddion bod modd i unrhyw un wrthwynebu a sut yr oedd modd gwneud hynny.

Daeth y cyfnod gwrthwynebu i ben ar 27 Hydref, 2019.

Ni dderbyniwyd unrhyw wrthwynebiadau yn ystod y cyfnod hwn.

2. Camau Nesaf

Gan na dderbyniwyd unrhyw wrthwynebiadau mae'r Gwasanaeth Dysgu yn argymhell fod Pwyllgor Gwaith y Cyngor yn cadarnhau'n derfynol y cynnig i ffederaleiddio Ysgol Goronwy Owen ac Ysgol Moelfre.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Yr opsiwn arall yw parhau gyda'r trefniadau presennol ond mae'r ysgolion a'r Cyrff Llywodraethu'n awyddus i symud i ymgynghori ar y cynnig hwn oherwydd manteision ffederaleiddio. Yn bennaf bydd ffederaleiddio yn galluogi'r ysgolion i gydweithio trwy broses strwythuredig ffurfiol, trwy rannu un corff llywodraethu, a fydd yn gwneud penderfyniadau er budd pennaf yr holl ysgolion, staff a disgyblion o fewn y ffederasiwn hwnnw.

Opsiynau amgen	Manteision	Anfanteision
Ysgol aml safle	• Un gyllideb • Un wisg ysgol • Un enw • Un ysgol ar ddau safle	• Cau y ddwy ysgol • Colli hunaniaeth • Gwrthwynebiadau lleol
Aros mewn partneriaeth gyda dau gorff llywodraethu yn rheoli.	• Cadw aelodaeth y cyrff llywodraethu yn lleol	• Anghynnaladwy i'r pennaeth, gofynion amser yn uchel • Dim yn sefyllfa ddeniadol i ymgeiswyr • Dim yn gallu cydlynu y defnydd gorau o adnoddau • Anodd recriwtio aelodau ar gyfer dau gorff

Yng ngoleuni hyn mae'r Awdurdod yn cefnogi'r cais i ffederaleiddio.

C – Am ba reswm y mae hwn yn benderfyniad i'r Pwyllgor Gwaith?

Mae ffederaleiddio yn 'newidiad a reoleiddir' o fewn trefn ail strwythuro ysgolion ac o fewn gofynion Côt Trefniadaeth Ysgolion, 011/2018. Penderfyniad i'r Pwyllgor Gwaith yw hyn ac mae angen iddynt gyhoeddi cynigion ar y newid gan ystyried yr ymatebion.

CH – A yw'r penderfyniad hwn yn gyson â'r polisi a gymeradwywyd gan y Cyngor llawn?

Ydy

D – A yw'r penderfyniad hwn o fewn y gyllideb a gymeradwywyd gan y Cyngor?

Ydy

DD – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	
2	Cyllid / Adran 151 (mandadol)	
3	Cyfreithiol / Swyddog Monitro (mandadol)	
4	Adnoddau Dynol (AD)	
5	Eiddo	
6	Technoleg Gwybodaeth Cyfathrebu (TGCh)	
7	Caffael	
8	Sgriwtini	
9	Aelodau Lleol	
10	Unrhyw gyrff allanol / arall/eraill	

E – Risgiau ac unrhyw gamau lliniaru (os yn berthnasol)

1	Economaidd	
2	Gwrthdlodi	
3	Trosedd ac Anhrefn	
4	Amgylcheddol	
5	Cydraddoldeb	

6	Cytundebau Canlyniad	
7	Arall	

F - Atodiadau:
dim

FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):
Dim